


## 1823 - Project da lescha per uordens

Il 29 da matg 1823 accepta la radunonza da vischnaunca sil plaz Cadruvi igl uorden elavuraus digl obercheit. En in ritmus da 4, 5 onns vegnevan quels renovai ed amplificai. Il svilup d'in uorden a l'auter ei buca enorms, denton selai enqual novaziun tuttina veser. - Aschia posseda la vischnaunca calderas ch'ella metta a disposiziun. - Mintga vischinadi duei mirar da ver in bov entir, in taur. - Ils tiers d'in pur dueien vegnir cargai ensemen. - Cul barschament da Camischolas avon in onn ein mo paucs habitonts el vitg, aschia ch'ins levgiescha ils vischins da Gonda e Sedrun cullas pastiras da casa cun schar pascular silla pastira da casa da Camischolas.



### Project da lescha per uordens da vischnaunca per igl onn 1823

1. Duei sin mintga specia da tiers vegnir il temps da primavera mess pastur, cunzun sils s.h. tiers casa e cauras els mises, nua ch'igl ei caschun ni prighel che tals tiers pudessen far donn.
2. Dueien ils s.h. tiers casa, il temps da primavera ed encunter igl atun esser enferrai; mintga vischinadi duei uardar da ver sin quels in special pindrer ed en cass ch'el pindrass tals tiers, sche duei el haver 4 x per l'emprema gada e leudenvia, sch'ei fuss in negligent, sche mintgamai il dubel.
3. Era duei mintga vischinadi haver in sufficient pindrer sin tuttas specias da tiers.
4. Las cauras dueien era vegnir ord ils mises tier il pastur general cura che la vischnaunca ordeina da cargar las vaccas.
5. Dueien las nuorsas e cavals vegnir cargai da calonda fenadur, ils cavals vegnan cargai enta **Pardatsch** cun ils **Uauls Cavorgia** entochen ora la **Val Vallatscha**; sin igl atun ni cura ch'ei muncass jarva, duei ei vegnir dau vitier, per l'entschatta eis ei manegiau mo il **Plaun**

### Pardatsch e buca il Pardatsch da Stiarls.

6. Cura che la vischnaunca ordeina da cargar ad alp, sche dueien ils mises vegnir bandunai e frietai (*liberai*) cun tuts tiers, entochen che la vischnaunca tuorna buc a slargar; ils loghens che ston star frietai ein quels sco suonda: dador las **Petgas da Val** e sco il **Stavel Sum** fila ora encunter il **Stavel Plaun Fontaunas** encunter il sulom dalla tegia da Barclamiu de Palli p.m. e leu sut, sco era da leu naven a filar ora encunter la tegia dil **Stavel dil Bostg** e leu sut, da leu naven giu encunter il **Crest da Tiarms**, da leu naven enagiu encunter il **Crest d'Alp a Mulinatsch** e leu dadora sco era las **Surauas**, plinavon dador il **Crest Liez** e quei sut il **Plaun Liez** en ed ora entochen orasum las **Plauncatscha**: item la **Malamusa**, il **Mila** entochen ils **Druns**, **Sur Prau** e la pastira da **Camischolas**, **Valtgeva**, **Cungieri** e la **Val Bugnei** ed **Udatsch**, era il **Pardatsch da Stiarls**, **Plaun Miez**, (*pli tard strihau*) item era ils **Plauns**

**Selva** sco la pastira da casa va.

7. Tonaton pon ils vischinadis sin las pastiras da casa, mintga fiug, tener in per bos, ni armauls per in, e tgi che ha cavals po era tener in cavagl enstagl da bos, sch'ei plai agli, aber buc cavagl e bos, aber pastur sin quels, ed en cass ch'ei fagessen tonaton donn, seigi da di ni notg, sche possi in obercheit sin lur beinmanegiar ordinar autr'uisa e sco quel ordeina stoppien quels vegnir suenter.

8. Damai che **Camischolas** ha quest onn paucs vischins, (*muort il barschament da 1822*) e la pastira da casa ei bein gronda, sche han ins manegiau, per levgiar empau ils vischins da **Gonda** e **Sedrun**, ch'ils vischins da **Gonda** dueien ceder ils dretgs (: per quest onn :) d'ira vi **Ruina Plauna** ed encuntercomi, possien quels segidar cun la pastira da **Camischolas** sco ils vischins ch'ei stai da **Camischolas** en garegien la **Valtgeva**.

9. Tuts tiers ston vegnir cargai ensemen, quels d'in pur mintgamai, resalvond quei che po vegnir tenu a casa e quels tiers che pon vegnir teni a casa, seigi bos, cavals ni tiers casa, ni tiers malsaus, ston vegnir teni sin quella pastira da casa, nua che quei patrun ei vischin. Ils vadials aber pon vegnir teni sin tgei alp ni pastira ch'ei plai al patrun, cun ses tiers, ni separai, aber exactamein vegnir teni ord donn. (Ils vadials che stattan suren ed ora, oreifer sin las pastiras da casa, ston esser sut pastur dalla vischnaunca. *Amplificau cun outra scartira.*)

10. Tuccond tier il pastur da casa ei schau sura a mintga vischinadi da sedeliberar sco ei anflan per bien.

11. Negin duei duvrrar uaffens per far fein sin pastiras, avon che la vischnaunca lubescha quei; sco era vessen ins manegiau tenor ils strapazs ch'ei vegni fatgs, da scumandar il spelar fein, surtut temps en pastg da vaccas (*strihau naven da: sco era...*); bein aber en pastg da cauras, schau tier era en pastg da vaccas sco antruras.

12. Suenter Nossadunna d'uost duei ei esser lubiu da segar fein a pastg, en quels loghens enconuschents, sco enta **Strem** dadens ils **Bauns**, a **Mila** dadens ils **Druns**, en **Val dadens Plaunca da Mesiras**, e dadens la **Val da Plaunca Secca**, la **Val Dadens**, aber adina mo en pastg da cauras ni nuorsas.

13. Negin duei puder metter ora cultem avon che otg dis suenter la descargada d'alp.

14. Mintga vischinadi duei uardar d'haver in bov entir (*igl avon ei strihau atras e remarcau: quei ei buca approbau pervia dils vischinadis -*), tier quels dils geraus e statalter silmeins temps d'unviern.

15. Tgi che vul duvrrar calderas dalla vischnaunca sto pagar 4 R. (*renschs*) per duvrrar ina da quellas ina stad.

16. Negin po vegnir en cun tiers silla jarva, resalvond sut quels dretgs, ch'ei concedi vid la taglia dils zenns.

17. Negin duei puder prender nuorsas ord l'alp la stad senza mussar la noda ad ina persuna digl obercheit, il pastur duei tener ellas sin nies intschess, en cass aber ch'ei succedess dispetas u pindradas per sia cuolpa, sche stoppi quel haver vid sesez.

18. Ils firaus dueien exactamein vegnir observai, surpassaders crodan en castitg d'in obercheit da vischnaunca u da cumin.

19. Negin po vegnir en cun tiers suenter il marcau da s. Andriu (30-11) e quei duei esser il davos termin, ils 20 da quei medem meins, resalvond ils vadials da latg, dueien haver tiern entochen il marcau mars u sil pli lunsch ils 20 dil medem meins, aber buc pli vegls che treis jamnas.

20. Negin po far si cultem sin alps e pastiras sut castitg digl obercheit.

20. Quels tiers che vegnan schai ad unviern e nosa vischnaunca, han buc la pasculaziun en quella pli ditg che la fiera d'**Ursera**.

22. Tgi che vegn en cun nuorsas e cauras schetgas, ni bucs, ni tiers casa silla jarva, sto pagar 1 fl. arvè, anseuls jasters duei negin puder prender si. Cauras da latg per guder sez han aber negin arvè, dueien aber buca puder vegnir en avon ch'igl ei fatg mundi.

23. Tgi che piarda in tier, venda ni lai ord vischnaunca in, po en termin da treis jamnas procurar in auter da quella qualitat, brattar in tier dalla medema specia, ha era la pasculaziun.

Tgi che cunterfa als sura uordens croda en castitg d'in ludeivel obercheit da vischnaunca e duei star tier quei che quels signurs fan senza revisiun ni appalaziun.

1823, ils 29 da matg, legiu avon alla vischnaunca ils sura screts uordens e da quella vegni approbai.


in feda Thomas Beer, gerau



La sennaria da **Camischolas/Zarcuns** sper la via principala al **Rein da Strem** a **Tgamaura**. Seniester da quella passa oz la **Via dalla Staziun**, baghegiada ils onns 1950 entras la ORA. Sil prau paradescha il glin stemnau. (*stemnar: Flachsstängel zur Rasenröste auf dem Wiesboden ausbreiten*)

## 1823 – Alp Nalps da Magher

L'alp Nalps da Magher sesanfla dretg dil Rein da Nalps ed ei in' alp da pursanavels cun 110 - 120 dretgs (igl onn 1877 dumbrava ella 112 dretgs) ed auda a pursanavels d' Acletta, Segnas e Mumpé-Tujetsch, pia a pursanavels dils vischinadis, che stattan il pli damaneivel da quell' alp per els ualti allontanada. L' alp ha treis midadas e buna untgida egl uaul Plaun dallas Cavorgias. - Nalps da Magher ei ina buna alp, mo bia megliera ei sia sora schumellina davart seniastra dil „Rein da Nalps“, numnada Nalps da Grass che s' auda alla claustra da Mustér. Gia igl onn 1813 ha l' untgida fatschentau la vischnaunca e vegn alla fin dil 19avel sli giada cun in lungurus e stentus process.



Anno 1823. il 23. da julli en Tujetsch.  
E'ent neschii in questiu denter ils Respectabels Pursanavels  
della alp da Magher, e La Curia: vischnaunca da Tujetsch per  
della untgida della sura numnada alp, che per unghir ora tutta  
dispettas e malaveglia, et per mantener buna amicezia denter  
vischins Cunfinons, che ei sei entra, me convenienza amicabile vegni  
fatg il sequent accord.

### Alp Nalps da Magher pertuccont l'untgida a Plaun Cavorgia

Anno 1823, il 23 da fenadur en Tujetsch.

Essend naschiu ina questiu denter ils respectabels pursanavels dalla **Alp da Magher** e la ludeivla vischnaunca da **Tujetsch** pervia dalla untgida dalla sura numnada alp, sche per unghir ora tuttas dispettas e malaveglia e per mantener buna amicezia denter vischins cunfinons, sche eis ei entras ina convenientscha amicabile vegniu fatg il sequent accord.

1mo. S'oblighescha la vischnaunca da **Tujetsch** da schar tier alla numnada alp in'untgida ora il **Plaun dallas Cavorgias**, la quala deigi s'extender sco suonda. Encunter il dutg oradem dil **Plaun** che vegn giu grad il clavau grond enta **Nacla** via sur via, encunter miezdi ils trutgs che vegnan giudem ils **Neidis** ora, la sera il dutg dadens il **Plaun**, mesanotg l'aua da **Pardatsch**.

2do. S'obligheschan ils pursanavels dalla alp **Nalps da Magher** da pagar alla vischnaunca da **Tujetsch** la summa da rensch treitschien en cefras 300 fl., il qual capital deigi vegnir tscheinsius sco in auter capital a 5 procent e croda εμπrem tscheins sin s. Martin proxim.

3tio. Deigien quels buca puder vegnir sin quella untgida entochen la neiv seigi buca tschentada ora giu la **Punt Pardatsch** e quei s'entelli sche la neiv vegn la damaun en lur alp e las vaccas san buca pascular dil di, sche possien quels sin la sera vegnir ora cun las vaccas sin l'untgida, quei vul dir aber directamein vegnir sin quella senza schar pascular en auters loghens, sche la neiv vegn sera, sche deigien ei stuer star sin lur alp entochen la damaun.

4to. Deigien quels da **Nalps** buca puder ira naven da quella untgida entochen ch'els buca directamein san ira sin lur alp, catschar vinavon lur tiers senza pascular sin nossa alp.

5to. Ei la vischnaunca patruna e po guder quei toc pastira sco ella ha gudiu entochen ussa e tiers che fussen buca sut pastur buca stuer, e quels da **Nalps** buca puder catschar naven. Tiers aber cun pastur deigien buca puder vegnir sin quella pastira duront il temps che quels da **Nalps** han

leu lur tiers, resalvond en cass da basegns da puder ira atras per guder quei toc dadora il dutg dadora, per prender la malemperneivla maniera da vischins da **Pardatsch** fatga quest onn, cura pursanavels da **Nalps** han vuliu occupar per basegns lur untgida, che leu era cavals e vaccas leu sin quella untgida e negin speras, levàn quels dustar, sche han ins anflau per bien che vischins da **Pardatsch**, ni tgi che havess tiers ch'audan sut pastur leu sin quella untgida, stoppien bandunar aschigleiti sco ei vegnien adverti, che pursanavels da **Nalps** vegnien cun lur vaccas, aschizun ch'ils da **Tujetsch** seigien buca en via ni en ils trutgs cura ch'ei han da vegnir sin l'untgida e ch'ei seigien naven e giud l'untgida cura ch'els vegnan sin quella, e tener naven lur tiers entochen ch'ils da **Nalps** han buca cediù, sco la brev plaida.

6to. Tucont tier il pagar ils sura stipulau pagament ei s'entegliu sco suonda, deigien ils da **Nalps** buca puder pagar giu 100 fl per onn e la vischnaunca buca puder far pagar pli che 100 fl per onn cun il tscheins vitier, l'emprema ratta croda da pagar sin igl atun digl onn 1823.

7tmo. En cass ch'ei fagess basegns da reparar ils trutgs da **Pardatsch** anora per ir e vegnir sin quella untgida, sche seigien ils pursanavels da **Nalps** patruns da quei far, buca aber la vischnaunca esser obligada da quei reparar, resalvond ch'ins sappi pinar lenna ch'ils trutgs vegnessien impedi sche deigien quels che peinan esser obligai da tagliar ora e metter ord ils trutgs.

8tvo. Deigi en cass che oz ni damaun vegness anflau documents vegls che muossan si che pursanavels da **Nalps da Magher** vessen giu untgida en in liug ni l'auter sigl intschess da **Tujetsch**, eis ei resalvau lur dretgs als pursanavels e deigi vegnir rendiu anavos ad els il pagament che la vischnaunca da **Tujetsch** retscheiva per la sura menziunada untgida.

9vo. Deigi vegnir fatg dus instruments conforms in da l'auter e mintga part schau enta maun in cun la suttascripziun da mintga part. Daventau di ed onn sco sura.


En num dalla ludeivla vischnaunca da **Tujetsch** confirman la sura scartira ils geraus da quei temps cun il sigil da vischnaunca e lur nums  
Thomas Jos. Beer  
Gion Antoni Caveing

En num da pursanavels da **Nalps da Magher** confirman la sura scartira ils cautevias

Giusep Antoni Maissen  
Crest Fidel de Sax

## 1824 - Contract da baghegiar casa

Ils dus suandonts documents stattan en connex cul barschament dil vitg da Camischolas igl onn 1822. Cartei vel vegn il vitg reconstruius spertamein suenter quella sgarscheivla disgrazia. Gion Antoni Beer secunvegn en in contract dil settember 1824 cul scrivari Gion Modest Deragisch ed il schaner 1825 cul miradur Gion Bistgaun Decurtins. Sin Nadal 1826 sto la casa esser eregida e habitabla e sche quei ei buca pusseivel lu sil pli tard la primavera 1828. La casa vegn baghegiada suenter quella dalla Liberata ed avon quella da statalter Giusep Venzin.



### Brev da marcau

#### Tujetsch, ils 22 da settember 1824

Entras la presenta scartira, la quala duei survivir per in autentic e public instrument, eis ei daventau in gest, recli e sidretg marcau denter las stimadas parts; numnadamein Giachen Modest de Ragisch e Gion Antoni Beer, sco cheu suonda.

1<sup>mo</sup>. S'oblighescha il sura meister Giachen Modest de Ragisch da baghegiar si la casa da Gion Antoni Beer e zuar tenor il „Riss“ (plan) ad el mussau e declarau, il qual consista enten duas stivas, in stebli ed otg combras, duas cuschinas, „Rigelspans (Riegelbau)“ ed il s.v. „Abtrit“ (tualetta). La casa aber cun siu „Vorputz“, sco ella ei stada vidavon.

2<sup>do</sup>. Ultra s'oblighescha meister de Ragisch da far en tuts plantschius dils sura menziunai cumahs (stanzas) e zuar quels dallas stivas e stebli cun curegias. Tutta roma da finiastras, quei ei roma ordinaria. Tutta escha ed eschadira da tschalers sco era ils finistrels dils tschalers. L'escha dallas stivas e stebli cun quadrels, ils dus eschs casa aber dubels. Tablegiar entuorn las finiastras dallas stivas e stebli. Las scalas, quellas che vegnan duvradas. Tut ils

barcuns. Dasperas eis ei aunc remess al sura meister da far ina laupia, da schar aber creschar ora ils lenns da tschentar si quella, eis el secuntentaus il di dil marcau. Era possi il sulom dalla casa ensi vegnir carschentaus, tenor basegns e proporziunar ils cumahs en lur dueivla grondezia. Igl auter ei il meister obligaus tenor gl'usit da far canals tetg.

Plinavon dullar la lenna quest atun sco da baghegiar si quella suenter quella dalla Librata e avon che quella da statalter Joseph Venzin. E sch'igl ei ad el pusseivel da pinar ora ella da star en sin Nadal anno 1826. Sil pli tard primavera 1828.

Per la sura aber menziunada lavur s'oblighescha Gion Antoni Beer da dar 462 fl. 30 x, giud il qual Giachen Modest ei s'obligaus da prender sin Vigeli Monn da tscheins 250 fl. cun la cundiziun ch'il capital sin d'atun seigi ses, suenter che Gion Antoni Beer u per malsogna, u per aura ni per munconza da neiv, buca esser el cass da vegnir tier culla lenna, sche possi Giachen Modest de Ragisch trer ils tscheins dil sura menziunau capital mo sulet tenor sco sia lavur purtass. Quei onn aber ch'el baghegia trer gl'entir tscheins. - Ils auters 212 fl. 30 x s'oblighescha Gion Antoni Beer da pagar 86 fl. sin d'atun proxim 63 sin primavera e 63 fl. 30 x sin d'atun 1826, mai aber avon l'ultima rata, che la lavur ei totalmein ventschida. Pli da dar als meisters las solitas marendas, il sal ed in letg duront che sia lavur vegn fatga.

Che sura entelgientscha seigi aschia stada denter domisduas parts, sco ch'ei seigi cumpleina cuntentientscha ed avon els legiu giu, sche suttascrivan las duas parts sezzas, han aber supplicau mei en lur.

Di ed onn sco sura e num  
In fede Jos. Camen

Gl'onn 1825 retschiert 4 scheltadublas  
Item retschiert duas 2 scheltadublas

Fatg in letg a Gion Antoni ed in „harbett“ tier in auter letg sin combra per 7 R., ditgel rensch 7.  
Fatg 7 roms da finiastras e marendau otg bazs in ton che portan tut 3 fl 58 x.

Dapli retschiert 13 fl. 20 x.

Ils 2 da november fatg quen e Gion Antoni Beer resta aunc al sura meister 93 fl 36 x quintau en  
58 fl. dalla venerabla claustra da **Mustér**.

1827 retschiert 10 fl.

Anno 1828 d'haver per haver pertgirau in onn las vaccas da casa 2 fl 24 x.

## 1825 - Contract “lavurs da miradur”


### Contract da baghegiar casa - lavurs da miradur

**Tujetsch**, ils 7 da december 1825

Cheutras vegn ei fatg da saver qualmein ei seigi  
daventaun in recli e sidretg marcau denter las undreivlas  
parts, numnadamein d'ina vart Gion Antoni Beer e da  
l'otra vart Gion Bistgiaun Decurtins.

Numnadamein Bistgiaun Decurtins surpren da far tut la  
miraglia che va vid la casa nova a **Camischolas** da Gion  
Antoni Beer, tut quei che fa da basegns. Ligiari giu ils  
mirs pegna e tgamin en ina cuschina, insumma tut,  
resalvond la platta da fiug e tgamin e pegna en l'otra  
cuschina, ei buca marcadau en quest accord.

Quella lavur tutta duei vegnir fatga buna, cumpleina e  
sufficienta ed era nua che fa basegns, ni che fuss buca  
sufficient, deigi vegnir rut giu e fatg si da niev. Quella  
miraglia aber che exista ed ei aber sufficienta, possi  
vegnir schada la veglia. Tonaton deigi ei vegnir fatg ina  
buna e sufficienta lavur sin tuts mauns.



Per far la sura menziunada lavur s'oblighescha Gion Antoni Beer da pagar a Bistgiaun  
Decurtins, cura che quella vegn ad esser fatga anno 1826, in pagament da 40 flurins, dico  
curonta e pagar cun prender giu in capital ch'ei schon menziunaus. Nunsavend aber far quei,  
sche s'oblighescha Gion Antoni Beer da pagar il Bistgiaun Decurtins sez.

Quella lavur sto vegnir fatga silmeins ton che Gion Antoni Beer sappi habitar sin sogn Placi  
1826 e finida sepudend sin sogn Martin da quei onn. Sch'ei fuss aber buca pusseivel, sche  
entochen sogn Placi da 1827, sto ella aber esser totalmein ventschida senza reserva.

Scret per cumissiun dallas parts e legiu a quellas avon, las qualas ha la presenta scartira  
confirmau

In fede (*fidonza*)

Thomas Beer gerau

a mi ed als mes senza pregiudezi

## 1825 - Protocol dalla dertgira da pasch

Il onns 1820 han ils commembers dalla suprastanza era funcziunau sco derschaders en caussas pintgas (dertgira pacifica/da pasch). Ils otg suandonts cass denter 1825 e 1830 dattan in maletg da tgei delicts ei settractava. Inaga va ei per buca ver pagau la pagaglia, lu va ei pervia dall'aua dil mulin, pervia da quens, pervia dalla pasculaziun sil Crest dad Alp, denter fargliuns pervia d'in dretg da ladretsch, pervia da metter il fein en in clavau, pertuccont uaul e pervia dil buca vuler pagar la lavur.

Protocol della Dertgira de Pasch  
 della Ludeivla Vischna da Tujetsch ha priu  
 sia entschatta il 7 on 1825.

### Protocol dalla dertgira da pasch dalla ludeivla vischnaunca da Tujetsch; ha priu sia entschatta igl onn 1825

Tujetsch il 7 december 1825  
 Comparra avon la Dertgira de Pasch Balzer Antoni  
 Curschellas e plonscha ch'el hagi luvrau a Giachen  
 Mudest de Ragisch per siu „Taglohn“, e fatg quen cun  
 Giachen Mudest e sia pagaglia hagi purtau 52 fl. 52 xr.  
 Sco de Ragisch confessa ussa pia, garegia Curschellas  
 ch'ina ludeivla dertgira constrenschis (sforzi) Giachen  
 Mudest tier siu pagament.  
 Giachen Mudest de Ragisch pretenda, che Balzer  
 Curschellas stoppi prender sia pagaglia nua ch'el hagi  
 luvrau e possi buca vegnir tier el, damai ch'el hagi tenuu  
 ora, ch'el stoppi prender nua ch'el hagi fadigiau ed  
 enqueri per las spesas.  
 Omisduas parts, aber ein vegnidas neunavon cun  
 neginas emprovas, ni perdetgas. Sin quei eis ei vegniu  
 enconuschiu cun dretg e sentenza che Giachen Mudest  
 de Ragisch seigi obligaus da pagar la pagaglia ch'el ha  
 fatg quen cun Curschellas e che Curschellas seigi nuota  
 obligaus d'ira sin enzatgi auter.  
 Ultra dalla pagaglia duei Giachen Mudest aunc stuer per  
 spesas pagar al Curschellas 1 fl. 40 xr., dond dretg als

#### Tujetsch, ils 7 da december 1825

Cumpara avon la dertgira da pasch Balzer Antoni Curschellas e plonscha ch'el hagi luvrau a Giachen Mudest de Ragisch per siu „Taglohn“, e fatg quen cun Giachen Mudest e sia pagaglia hagi purtau 52 fl. 52 xr. Sco de Ragisch confessa ussa pia, garegia Curschellas ch'ina ludeivla dertgira constrenschis (sforzi) Giachen Mudest tier siu pagament. Giachen Mudest de Ragisch pretenda, che Balzer Curschellas stoppi prender sia pagaglia nua ch'el hagi luvrau e possi buca vegnir tier el, damai ch'el hagi tenuu ora, ch'el stoppi prender nua ch'el hagi fadigiau ed enqueri per las spesas. Omisduas parts, aber ein vegnidas neunavon cun neginas emprovas, ni perdetgas. Sin quei eis ei vegniu enconuschiu cun dretg e sentenza che Giachen Mudest de Ragisch seigi obligaus da pagar la pagaglia ch'el ha fatg quen cun Curschellas e che Curschellas seigi nuota obligaus d'ira sin enzatgi auter. Ultra dalla pagaglia duei Giachen Mudest aunc stuer per spesas pagar al Curschellas 1 fl. 40 xr., dond dretg als



derschaders e salter 4 fl., per scriver protocol - 30 xr alla part dalla risposta.

signur mistral Beer p.t. (*da quei temps*) genau  
signur statalter Thomas Beer p.t. genau  
signur Hans Giachen Gieriet p. t.  
Giusep Antoni Bruccer, salter p.t.

Compara Vigelli Giuseppe Zanetti, et plonscha encun-  
ter et ille Muggli, chan baghegiu la resgia vil cum  
nomening M. Giuseppe Zanetti, et Leci Antoni Muggli, et  
manegiu de aver ille dretg da menar ora aua ton sco elo  
veglier per lur basegnis, et el seigi de quei buca cuntens  
a protesti encunter etc. etc.  
Lo ha potta aber manegia d'oz buca saver rispunder  
e garesia ina suspensium entochen la vischnaunca  
seigi buca vegnida rimnada, et els sappien haver  
lur raschuns da proponer etc.  
Ei ordinau dils signurs geraus da conceder la damaun de  
suspensium, et damaun deigi la vischnaunca vegnir rimnada  
e tarmess ora entras quel che hagian dumandau la suspensium,  
per incumet 1.20 fl. per part ed alla part dalla  
risposta aunc 1 fl. ni per la suspensium; per scriver a protocol  
ei cumpigliau en ils 1.20 fl.

### Tujetsch, ils 28 da schaner 1826

Cumpara Vigeli Giusep Zanetti e plonscha  
encunter ils Muggli, ch'han baghegiu la resgia vil  
**Drun**, numnadamein statalter Giusep Antoni  
Muggli e Leci Antoni Muggli, ils quals manegian  
da ver ils dretgs da menar ora aua ton sco els vulan  
per lur basegnis, ed el seigi da quei buca cuntents e  
protesti encunter.

La risposta aber manegia d'oz buca saver rispunder  
e garesia ina suspensium entochen la vischnaunca  
seigi buca vegnida rimnada, ed els sappien haver  
lur raschuns da proponer etc.

Ei ordinau dils signurs geraus da conceder la  
damaun da suspensium e damaun dueigi la  
ludeivla vischnaunca vegnir rimnada e tarmess ora  
entras quels che hagian dumandau la suspensium,  
per incumet 1.20 fl. per part ed alla part dalla

risposta aunc 1 fl. ni per la suspensium; per scriver a protocol ei cumpigliau en ils 1.20 fl.

Duri Battista Beer  
Tomas Beer  
Hans Giachen Gieriet

### Tujetsch, ils 28 da schaner 1826

Ha Gielli Sievi citau avon dretg Giachen Modest de Ragisch pervia da quens etc. etc.  
Giachen Modest de Ragisch pretenda oravon ina segironza dil Gielli Sievi avon ch'ira cun el  
enten dretg ed ei vegniu sur da quei in Beirurteil (*ina denterdecisiun*) ed ei enconuschiu ch'il Gielli  
Sievi seigi quella buca obligaus da metter.

Gielli Sievi ei cumpariu cun segner sur *Giusep Maria Camenisch* per siu defensur e la part dalla  
risposta ha quei buca vuliu schar tier, ei era fatg sur da quei in Beirurteil (*ina denterdecisiun*) che  
sche la part dalla risposta vegli schar tier per oz quei, sche seigien quels signurs derschaders  
cuntents da schar tier senza negin pregiudezi; ed ils signurs geraus vegnan a proponer avon in  
ludeivel obercheit da cumin, sche quei dueigi vegnir schau tier aunc dacheudenvi. Sinquei ei la  
cuntrapart stada cuntenza.

Denton metta il signur defensur siu plogn e plonscha che Giachen Modest vegli buca esser  
cuntents da pagar al Gielli in quen da 8 fl. 32 xr. ch'ils signurs geraus obligheschien el tier quei  
pagament.

Signur mistral Wenzin sco defensur dalla part dalla risposta, rispunda che Gielli Sievi hagi  
empermess da buca vuler insister sissura, sche Giachen Modest possi dir per sia cunscienza  
ch'el hagi pagau, il qual Giachen Modest possi era dir, ed hagi detg.

Il plogn manegia aber ch'els erien buca totalmein perina, ed aschia sto il dretg ira vinavon, ei  
sur da quei fatg in Beirurteil (*ina denterdecisiun*), sin il cussegl schon daus oravon dils signurs  
geraus dallas parts sepassar ensemen e secunvegnir denter ellas, sche seigi ei aunc ussa als  
signurs derschaders buca vegniu dau ina precisa risposta cun cuntentientscha d'omisduas  
parts, che quellas seigien perina ed aschia dueigi il dretg ira vinavon.

Ei pia vegniu schau tier emprovas e perdetgas alla part dil plogn gl'emprem ed alla part dalla

risposta suentar.

Sin quei eis ei vegniu allegau per perdetga dalla vart dalla risposta signur assisent Caveing, il qual depona che Gielli Sievi hagi detg che sche Giachen Modest de Ragisch possi dir per sia cunscienza ch'el hagi pagau, sche pretendi el nuot, e Giachen Modest hagi detg ch'el quei possi dir.

Il plogn fa endamen alla perdetga, sch'ella seregordi era che Giachen Modest hagi acceptau quella offerta ni buc, tgei Giachen Modest hagi patertgau poss jeu buca saver.

Alla fin suentar ditg e liung ver mess replicas e cunterreplicas ein las parts pervia dil quen vegnidat perina denter ellas e damai che Giachen Modest de Ragisch hagi sedeclarau sco la perdetga hagi dau, sche desisti Gielli da sia pretensiu. Ei surdau da «spruchgiar» sur dallas spesas ed ei vegniu enconuschiu ch'il plogn duei pagar alla risposta per spesas 1:40 fl. e per incumet (*malengasi*) als signurs geraus e salter 3:20 fl. e per scriver protocol 20 xr.

Duri Battesta Beer

Thomas Beer

Hans Giachen Gieriet

### Tujetsch, ils ...

Cumparan avon ils suttascrets signurs, staltal Paul Giusep Wenzin e Schimun de Curtins ed han plonschiu encunter il Bistgiaun de Curtins cun ses pursanavels ed han garegiu ch'ei vegni tras dretg e sentenza enconuschiu, che aschinavon sco Bistgiaun de Curtins cun ses pursanavels seigien seprevalai da secollocar ora il **Crest d'Alp** cun sia caschada e zuar senza dretgs ed encunter uorden da nossa ludeivla vischnaunca, sche garegien els ch'ei vegni tras sentenza definitivamein constrenschiu ch'il detg Bistgiaun cun ses coninteressai stoppien turnar en **Val Giuv** e secollocar enten il medem liug ch'ei seigien stai secollocai l'entschatta dalla stad cun protesta dallas spesas.

Sin il plogn menaus, dat staltal Plazi Riedi cun Bistgiaun de Curtins en risposta, ch'els secregien d'aver giu dretgs da far quei ch'ei hagian fatg e ch'els quantien da nuota haver cheutras fatg encunter als uordens existents e ch'els seigien stai necessitai da buca saver star leuen per munconza da plaz, cun protesta encunter tuttas spesas.

La part plonschenta ha replica, ch'era ils auters pursanavels da **Cuolm da Vi**, che seigien da present en **Val Giuv**, hagian sedeclarau ch'era els garegien che la fatschenta mondi vinavon e che quels garegien ch'ei vegni constrenschiu ch'ils da **Crest d'Alp** stoppien turnar anen etc. – e ch'els secregien d'en vertit dalla cunvenziun fatga igl emprem onn per tuts quater onns denter tut ils pursanavels da **Val Giuv**, seigien ei era obligai da stuer secollocar nua ch'els seigien stai l'entschatta, la quala cunvenziun ei quantien da saver far ver cun improvas. Sin quei eis ei vegniu dumandau las parts, sch'ellas seigien seresolvidas da schar dar sura dalla vertenta questiu ina sentenza definitiva ni mo schar dar in project d'amicabel? Las parts aber ein sedeclaradas ch'ellas veglien ina sentenza definitiva.

Ed aschia vegniu allegau per perdetga dalla vart dil plogn Giusep Antoni Brucher, il qual era pursanavel dalla caschada da **Cuolm da Vi**. La part rispudenta ha opponiu encunter quella perdetga, ch'ella secreigi ch'en vertit dalla declaronza dada dalla part sezza, possi il Brucher buca vegnir admess per perdetga, essend ch'ella secreigi ch'ella seigi part etc. -

Sin quei eis ei entras Beiurteil (*ina denterdecisiun*) enconuschiu che Giusep Antoni Brucher possi buca vegnir admess per perdetga e quei zuar en consideraziun dalla declaronza dada, ch'era quels pursanavels da **Cuolm da Vi**, che seigien aunc leuen, hagian sefatg part.

Finalmein eis ei sura dalla principalitad enconuschiu entras sentenza definitiva, suentar haver giu mess plogn, risposta, replica e cunterreplica:

1mo. Che sin la declaronza dalla part rispudenta, ch'ella vegli turnar en **Val Giuv** cun la sia caschada, sche la caschada plonschenta vegli scumiar tegia, ed aschia stetti ei sura alla part plonschenta da scumiar quella ni buc.

2do. Nunvulend scumiar la tegia la part plonschenta, sche possien ils pursanavels dalla part rispudenta restar cun la sia caschada ora **Crest d'Alp**, bein aber possien ei mai puder catschar

ord stavel, avon che quels enta **Val Giuv** ed aschia era il medem cun catschar a stavel, sco era dueien quels da **Crest d'Alp** esser obligai d'adina stuer pascular cun quels da **Val Giuv** e nua che quels mondien cun la sia s.h. biestga ensemen.

Dond dretg, priu giu allas parts miez per ina 3 fl. 20 xr. e 40 xr per scriver ad protocollum. Suenter esser stau legiu avon la sura sentenza, ha la part plonschenta garegiu da metter ad protocollum ch'ella resalvi da siu temps agitar per las spesas, ton giudizialas sco extrajudizialas.

Johan Jacob Gieriet  
da quei temps gerau

### **Tujetsch, ils 29 da d'uost 1829**

Secumpara Giachen Andriu Hendri e Giusep Maria Hendri e meinan in plogn encunter il siu frar Duri Vigieli Hendri, pervia da siu dretg d'in ladretsch leu sper casa (*a Foppas/Surrein*), il qual secrei e manegia ch'enten la partizun seigi stau cundiziunau.

Il Giachen Andriu cun siu frar Vigieli Hendri, han suenter haver duvrau las formalitads, plonschiu encunter il siu frar Duri Vigieli, ch'els secregien e pretendien che siu frar hagi gudiu ed ussa pretendi per dretgs da puder guder il baghetg leu sper casa, ton dil nuegl sco dils treis muns, in d'in ladretsch; il qual els seigien buca cuntents e quantien da puder far ver cun perdetga, ch'el hagi dretgs mo dil nuegl e buca dil clavau.

La part rispundenta ha sin quei rispundiu I: numnadamein Vigieli Hendri en num da siu frar Duri Vigieli, ch'el secreigi e pretendi che siu frar hagi buca mo dretgs dil nuegl, sonder era dil clavau e seigi avon che la partizun daventi, cundiziunau che quel che hagi il mun dalla **Nacla**, hagi era ils dretgs dil nuegl clavau leu casa.

Sin quei ha la part plonschenta deponiu per perdetga signur Thomas Beer e suenter haver dumandau la part dalla risposta; sch'el hagi da far encunter a quella perdetga enzatgei I: a quella nuota stau enconuschent da quellas varts :I.

Sche ha signur Thomas Beer deponiu en fuorma sco suonda.

Ch'el regordi perfetgamein bein, che damai ch'el seigi staus tier quella partizun, ch'ei seigi vegniu claramen cundiziunau avon che trer las sorts e suenter esser stau mess giu ils muns, che quei mun che survegni il mun da **Nacla**, hagi era part dil nuegl leu sper casa, aber dil clavau buc.

Suenter da quei ha la part plonschenta era aunc mess vitier e serrau enten dretg, che protesteschi encunter tuttas spesas e cuost che mondien da quellas varts ed encuntercomi la part rispundenta ha quellas resalvau, relaschau las parts.

### **Sentenzia**

Suenter haver tedlau plogn e risposta, perdetga e replicas, eis ei entras dretg e sentenza definitiva I: e zuar tras sentenza definitiva en consideraziun che la part rispundenta ha allegau ch'in tal ladretsch seigi buca pli valeta che 15 fl. :I, enconuschiu ch'il Giachen Andriu e siu frar Giusep Maria hagian obtenu il plogn, ed aschia la pretensiun dil Duri Vigielli Hendri senza fundament. Las spesas giudizialas deigi il Giachen Andriu prender giu 50 x ed il Duri Vigielli 1 fl. 40 x., cumpigliu en il scarvon e protocollem.

Duri Batesta Beer, gerau  
Johann Jacob Gieriet, gerau

### **Tujetsch, ils 29 d'uost 1829**

Ei cumparius Crest Antoni Mucli avon dertgira ed ha plonschiu encunter Giusep Maria Degonda, ch'el dueigi star neunavon e far ver tgei dretgs el hagi da metter en fein si **Cungieri** en siu clavau, ni che deigi star giu da quella pretensiun.

Sin quei ha il Degonda, sco part dalla risposta, pretendiu ch'el hagi retschiert il prau dil siu sir l'entschatta senza baghetg ed ha detg a siu sir, ch'el hagi quei prau bia memia car e sin quei hagi quel detg, ch'el possi metter en ed el pretendi per dretgs dils quater muns in dils clavau.

Sin quei ha la part plonschenta allegau il Giachen Modest per perdetga, ed el ha dumandau si ch'el dueigi di sch'il de Gonda hagi era dretgs da quei baghetg; suenter haver admoniu il Giachen Modest e quel aminau da dir mo la verdad ed agli dau il sarament entras il «Grundgericht», ha il Giachen Modest deponiu sco suonda:

Giachen Modest de Ragisch depona sco perdetga, ch'el sappi dir nuot, ni ch'el hagi dretgs da quei baghetg da **Cungieri** ni ch'el hagi buc, bein aber quei sappi el, ch'il de Gonda hagi igl emprem onn ni il secund onn ch'el hagi giu quei prau, dumandau el da schar metter en clavau il fein da quei funs ch'era staus dil Caviezel p.m. e sin quei hagi el detg al de Gonda, sche hagi buca clavau da metter en ed il de Gonda rispunda, che hagi mo retschiert il prau e buca baghetg, il baghetg audi tier tschei funs ni prau, el laschi aber entochen ch'il sir seigi morts e lura pretendi el per dretgs; quei sappi el ch'il de Gonda hagi detg ad el.

#### Sentenzia definitiva

Suenter tedlau plogn e risposta, perdetga e replicas eis ei entras sentenza definitiva vegniu enconuschiu, che la part dil plogn hagi gudignau il plogn e la part dalla risposta hagi aschia fatg quella pretensiun senza fundament.

Las spesas giudizialas ein 2 fl. 30 x., las qualas il Giusep Maria de Gonda deigi stuer purtar giu, cumpigliau en il scarvon e protocollum. Las extrajudizialas duei scadina purtar las sias.

Duri Batesta Beer, genau  
Johann Jacob Gieriet p.t. genau

#### **Tujetsch, ils 21 da november 1829**

Ein las sequentas ed undreivlas parts, suenter che quellas han giu observau las formalitads dil dretg, secumparan avon la dertgira pacifica per da quella tedlar il siu project da pasch sur dalla sequenta questiun, ed aschia sepresenta signur landama Christian Wenzin sco procuratur en num da Stiaffen Monn ed artavels da Gion Monn e zuar sco part plonschenta, ed ha menau in plogn encunter ils artavels da Paul Curschellas, numnadamein che damai, ch'ei vesien che quels stettien si e pretendien igl uaul sur il mises da Paul Curschellas (: quei seigi quel che stetti sur il funs che seigi staus da stataalter Giusep Flurin Monn p.m. :) per siu agen, e veglien aschia sesurvir da quel tenor siu plascher, sche per quei seigi sia part necessitada da pretender che quella stetti neunavon e muossi si danunder il Paul Curschellas ni ses artavels hagian acquistau quei uaul, essend che quel seigi effectivamein dil Stiaffen e Gion Monn sco ei vegnien cul temps a far ver si e buca da Paul Curschellas ni ses successurs.

Sin il sura menau plogn dat il reverendissim ed ault studiau sur secretari, sco assistent dalla part rispudenta, en num dils artavels da Paul Curschellas p.m. en risposta, che ordavon secreigi el e pretendi ch'encunter ina prescripziun u possess possi ei buca sut negins tetels vegnir schau tier, ni emprovas, ni perdetgas, ni documents e protesti aschia solemnamein; denton aber pretendi el che quei uaul, il qual seigi sura avon numnaus, seigi en verdad uaul ch'appartegni tier als artavels da Paul Curschellas, e zuar principalmein en vertit che quel seigi vegnius circa 37 onns gudius e possediis ruasseivlamein senza negina cuntradiciun u impediments, ed aschia sappi quel buca vegnir enconuschiu tier ad enzatgi auter che als detgs Curschellas; cun protesta e resalvada ch'en cass che la sia part mantegni siu dretg pretendiu, stoppi il Stiaffen Monn resarcir (*bonificar*) tuttas spesas etc. etc. – Suenter che las parts ein stadas passadas giu, eis ei „*einhelig*“ (*unanim*) vegniu concludiu da dar allas respectablas parts il sequent project da pasch.

#### Project da pasch

Che damai ch'il fatg seigi aunc buca avon nus vegnius sclarius si, essend omisduas parts sedeclarai da far ver cun emprovas e perdetgas e quellas aunc nunenconuschentas, sche duessien las respectablas parts prender in signur confident da **Tujetsch** per part, aber adina nunpartischonts, e tier quels dus confidentes duessi ei aunc vegnir tratg tier il signur mistral Peter Antoni de Latour per „Obman“ ed allura dueigi ei tras quels treis signurs vegnir, suenter haver udiu las raschuns d'ina part e l'otra, da jure giudicau e dau la sentenza ed aschia duei ei en vertit dil nies decret da cumin vegnir dau la declaronza en termin da 24 uras, sche quellas

veglien acceptar il present project ni buc. –

Per dond dretg u incumet dalla dertgira da pasch dueigi scadina part pagar 2 fl. cumpigliau en il scriver ad protocollum cun resalvada ina encunter l'otra.

Duri Batesta Beer, gerau

Johann Jacob Gieriet, p.t. gerau e preses

### **Tujetsch, ils 13 da fevrer 1830**

Cumparan avon ils suttascrets las sequentas ed undreivlas parts, numnadamein signur mistral Christian Wenzin sco „Anval“ da Giachen Modest de Ragisch e plonscha encunter signur stalter Thomas Beer sco part rispudenta, che damai ch'el vegli buca pagar il Giachen Modest *Deragisch* tenor brev da marcau per la sia lavur fatga, ton dalla casa sco vid ils nuegls e clavaus, sche garegi quel che stalter Thomas Beer vegni tras il project da pasch cussegliu, che quel vegli seschar en e pagar sco avon ei menziunau, cun protesta e reservada encunter tuts cuosts e spesas.

Signur stalter Thomas Beer e signur scarvon Johann Baptista Monn sco part rispudenta, ed opponend al plogn menaus, ch'els en vertit dalla brev da marcau, secregien ei da buca esser obligai da pagar ad interim dapli che quei che Giachen Modest seigi schon pagaus, essend che quel hagi aunc buca finiu la lavur e dasperas secregien ei era che inton da quella ch'el hagi schon fatg, seigi buca sufficiente e per quella fin aunc biameins la remessa, ed aschia secregien els che Giachen Modest duessi biars onn esser ad els culpents da bonificar, ch'els ad el, cun protesta e reserva encunter tuts cuosts e spesas etc.

Suenter haver udiu plogn e risposta, replica e cunterreplica etc., han ins anflau per bien da dar ils sequent project, numnadamein:

#### **Project da pasch**

Che signur stalter Thomas Beer duessi ad interim I: zuar senza negin pregiudeci :I pagar al Giachen Modest 35 fl. en termin da 15 dis, dil rest aber duessi el ni cun ses coninteressai dar uorden ch'il material fussi sin il plaz talusia, che Giachen Modest sappi dar l'entschatta ussa, ed entochen S. Placi proxim haver finiu la lavur tenor brev da marcau ed allura dueigi ei vegnir priu in confident per part nunpartischonts e quels dueien giudicar da jure ed amicabel sur da tuttas questions che seigien dapresent, ni che pudessen entochen lura nescher, duessen quels dus buca saver vegnir tier la decisiun mo denter els, sche possien quels trer tier in Obman suenter siu plascher, aber adina nunpartischonts.

Appartenent tier la remessa, duei il present scret vegnir rendius anavos al sur *Giusep Maria Camenisch*, e cura che la lavur ei finida, seigi quel autorisau d'urentar il fatg e suenter siu beinmanegiar dar la decisiun tenor brev da marcau.

Priu giu per incumet allas parts 3 fl. 30 xr., la mesadad per part cumpigliau en il scriver ad protocollum cun regress ina encunter l'otra.

Sur dil present project duei ei vegnir dau la risposta al president en termin da 24 uras, sche quel vegni acceptaus ni buc, duess quel vegnir acceptaus, sche dueigien las parts esser obligadas da stuer star tenor il cuntegn da quel senza autras apelaziuns.

Duri Batesta Beer, gerau

Johann Jacob Gieriet p.t. gerau

PS. Suenter in cuort temps han omisduas undreivlas parts dau la declaronza ch'ellas veglien acceptar il project daus, ed el medem temps vegnidas perina da numnar signur mistral Peter Antoni de Latour per igl Obman.

Duri Batesta Beer, gerau

Johann Jacob Gieriet p.t. gerau